



pat pat盛宴

如果你中意滑梯、荡千秋呢种非机动游戏,咁你一定会爱上这里。喺番禺儿童公园里,有超过十款唔同滑梯,供大家pat pat享用,石米水泥钢筋款大滑梯依墙而建,光滑梯面够长,够得够过瘾;隧道款旋转梯颜色够sharp,梯身有半透明有机玻璃设计,滑落过程中仲可以睇睇风景;缤纷直梯就係要你快、恨、准咁冲向目标,满足你对速度与激情嘅喜爱;有啲综合多功能大型滑梯,仲兼具多款有挑战性嘅设施,包括攀爬网、铁索桥、吊环、钻山洞等,简直係俾你会你体验铁人五项嘅感觉。除咗俾你够过瘾滑梯之外,园区内仲有各种千秋、跷跷板等童年老友记,刺激有趣,影相会好自然,唔使谗摆pose。顺便提醒各位小朋友,园区里面细路仔多,但咁年纪细但玩心大,我哋游乐过程中要注意安全,撞亲自己或者小朋友就唔好啦。



梦幻自由

公园内嘅机动游戏就唔係好多,我哋一定要去双层旋转木马前打卡。这个海洋蓝底色的旋转木马,点缀各种趣怪海洋生物,双层设计梦幻十足,你可以选择定住转圈喂喂海浪宝座,又可以坐高低起伏的海豚、海马、八爪鱼“坐骑”,欢乐儿歌伴随一路,场景都好梦幻。去搭动物快车,“小飞象”“小肥狗”“马骝仔”车厢一架架,咁轨道上带你游尽迷你版的高山低谷。快车车厢空间足够大,情侣、闺蜜一齐坐,坐密啲会好sweet。迷你摩天轮就最浪漫,虽然只有5个车厢,但颜色够靓,做背景打卡够醒目。机动游戏需要单独收费,而且係大人细路同价,有时仲可能因为机件维护而暂停开放,有心去打卡嘅朋友就要注意园内公告啦。

儿童公园 释放童心

儿童公园原本係为0-12岁嘅小朋友建造嘅,Color君却意外发现佢对成年人一样好友好!番禺儿童公园係目前广州最大嘅区级儿童公园,童趣十足、色彩缤纷,又保留住岭南水乡嘅自然风光。滑梯有十几款,旋转木马两层高,童话风大片即影即有,令你心情放松,能够放开怀抱,释放童心。

郭玮 / 文、图

享受呵护

儿童公园内的设施,都係为小朋友量身定做的,七彩配色随处可见,拍照出镜之余,令人睇到都好舒心。园区的围墙特别彩绘成小火车造型,随处可见嘅昆虫造型植物说明牌,手绘壁画展示历史典故、民间传说等,童趣味拉满。每个沙池旁边特别安装嘅水龙头,唔使惊玩到污迹邋遢,水龙头嘅高低係按小朋友的身高设计,水流细细啲容易整湿身,同小朋友一起洗手洗脚的时候,真係好有返到幼儿园的感觉!

出片圣地

如果你想拍啲靓相,你可以去人工湖水车前摆拍、迷你吊桥上扮造型、假山旁边扮悠闲。园区内嘅自然景观都好唔错,唔少人仲安排一家人嚟扎帐篷露营,树荫下乘凉、共享天伦。公园里面有好多水果造型嘅屋仔,最啱影童话风大片,虽然屋仔经过日晒雨淋略显陈旧,但只要加翻少少滤镜调色,爱丽丝梦游仙境咁嘅靓相,你都可以拥有。因为主打童话梦幻feel,大家可以穿上色彩饱和度高嘅嘅造型摆拍,影张减龄靓相过“六一”。



哆啦童梦

细细个睇《哆啦A梦》,会超级羡慕佢哋有“竹蜻蜓”,随时随地可以飞去心中所想的地方。童年的风车随风转,幼稚的孩童会相信,转转下个梦想就能够实现。长大的我们,内心一角还是坚守幼稚,唔愿放低已经变细嘅风车。迷你小风车只有发夹大细,夹在头上真係好似竹蜻蜓!夹一个就转去儿时的回忆中,唔过瘾就夹一排,迎风齐齐转起身,开启七彩无忧梦。两人PK,仲可以幻想自己成为新一代美少女战士,用头上的小风车互传心意,童趣无限多。有咗小风车加持,拗造型摆拍可以更加放肆,此时此刻嘅自己,就係细时候勇敢追梦嘅细路仔!

幼稚游戏 玩极唔厌

郭玮/文 叶思玲/图



呼啸上车

每个小朋友都会有个“上车梦”。细细个跟住爹地妈咪出街,一见到商场门口嘅呼啸车,就唔肯走了。上车、投币、开走,一气呵成,伴奏有几响亮,情绪就有几高涨。原地高低起落款嘅车,大多cos经典卡通形象,配色混乱、夸张变形,但无碍孩童对佢嘅喜爱;能自由驾驶嘅车款就更受欢迎,上车就觉得自已秒变藤原拓海,嗰条路上狂飙。双人座可以同闺蜜分享快乐,就算细蚊仔size嘅座驾已经放唔落你个大长腿,相信你一样可以开心到傻笑。人长大了,难得这样放肆地笑,所以我哋就投币玩多次啦!

复刻童年

路边嘅有轨小火车,係儿时嘅奢侈品,为咗能够坐上一转,可能要等到妈咪好早先有机会。大个之后,邀请三五好友一起再次搭上呢趟列车,身体几乎塞唔落车座,经典儿歌已经听到有啲厌了,短小嘅轨道依然精彩,童年里的这份开心,直到现在都会令人微微一笑。玩下路边免费的跳跳板,高高低低就如人生的经历,除咗放松心情,仲要多得有肯陪你一齐玩一齐疯嘅朋友。老师教嘅知识亦得到验证:俾一个支点你,就可以撬动地球。呢点简单嘅小游戏,点解可以玩到咁嘅开心?童年份的开心,就用佢哋复刻吧。

